

— 495 —

CCLXII.

Die Edeln von Zannegg treten in die
Dienste der Stadt.

(12. April 1366.)

Wen den die disen brief sehent oder hörent lesen, kündent wir Eberli von Zannegg, Fridobolt von Zannegg, Friderich der elter vnd Friderich der jünger von Zannegg edelknechte. Das wir alle der vesten wisen lüte, des burgermeisters, des rates, der burger vnd der stette gemeinlich ze Friburg in Brisgöw, helfer vnd diener worden sint, vnd hant inen denselben vnsern dienst glopt aht manat, die nehsten nach dem tage als dirre brief gegeben ist. Vnd söllent inen vnd der stat ze Friburg daz selbe zil dienen, also wir vnd vnser igelicher vnder vns sol ritten es si tages oder nachtes, wan vns der rat oder des rates botschaft heisset ritten, vnd ouch ligen an welchen stetten fü vns heissent ligen, vnd söllent inen das selbe zil also warten vnd dienen, bi den eiden so wir darvmb gestworn hant mit vferhepten henden gelert gegen den heiligen, vnd inen vnd den iren geratten vnd beholfen sin wider Graf Egen von Friburg, vnd wider alle sin helfer vnd diener vnd wider menglichen, vnd iren vnd der stette nuß ze fürderende vnd iren schaden ze wendende ane geuerde, vnd iren vigen den das wirfte ze tuonde vnd inen mit vnserm kessen ze dienende, es si ze Friburg in der stat, oder ze velde oder anderswo, war fü vns legent oder wo wir rittent, denne so vil das vns die von Friburg das vorgeante zil ein herberge ze Friburg ligen söllent, vnd stro vnd liecht dar in zuo vnserre notdurft vngeuarlich. Vnd were das wir oder deheiner vnder vns in dem vorgeanten zil dehein roß, oder hengest, oder pfert, in der von Friburg dienst da fü vns hinschigten vnd hieszen ritten, erschossen oder erslagen würde, die sollent vns die von Friburg gelten, als wir oder der